



SAMNANGER KOMMUNE
Tyssevegen 217
5650 TYSSE

Vår referanse: 2022/87360-2
Saksbehandler: Lars-Olof Herneback
Dato: 8. august 2022
Deres ref.:

Høyring lokal forskrift gebyr for feie- og tilsynstenestar, Samnanger kommune

Bergen brannvesen takkar for anledninga til å kome med innspel til ny gebyrforskrift for Samnanger kommune.

Vi meiner at forskrifta er dekkande og tek godt vare på temaet. Vi kjem likevel med nokre innspel til formuleringar og kommentarar som kan vurderast.

Våre innspel

Tittelen feiar er endra til brannførebyggjar. For å gjere dette kjent for innbyggjarane, kan det vere hensiktsmessig å innarbeide dette i forskrifta.

Med omsyn til § 2 Verkeområde, siste setning angående geografiske utfordringar i fjellområde, verkar den for oss, open for tolking. Denne bør kanskje konkretiserast/gjerast tydelegare.

I § 3 Heimel for feiling og tilsyn, kan det vere hensiktsmessig og også vise til Brann og eksplosjonsvernlova § 11 h i tillegg til § 32?

Når det gjeld § 4 Definisjonar, meiner vi at det er smart å avgrense til fyringsanlegg som brukast til oppvarming av byggverk.

For å hindre misforståing av aktivt og inaktivt røykløp, at det ikkje feilaktig kan oppfattast at eldstad som ikkje brukast (ikkje avgjer røyk og avfallsstoff), er unntatt for gebyr. Når eldstaden er knytt til røykløpet, er røykløpet aktivt, og feie- tilsynstenester gjeld.

Foreslår endra til:

Aktivt røykløp: Eit røykløp som har ein eller fleire eldstader tilknytt.

Inaktivt røykløp. Eit røykløp som ikkje har nokre eldstader tilknytt, plombert røykløp eller demontert røykløp

Angående § 8 Start av gebyr med etablering/installering av nytt fyringsanlegg, kan det vere hensiktsmessig å konkretisere betre i forhold til eksisterande byggverk/ fyringsanlegg? Å få med kravet om meldeplikt i tråd med forskrift om brannførebygging § 6 bør vurderast.

Det kjem ikkje klart fram kor ofte gebyret vert innkrevja, at kommunestyret vedtek gebyret årleg betyr ikkje at alle mottek årleg gebyr. Viss det vert innkrevja årleg, kan kanskje denne setninga i § 9 «*Gebyret vil bli innkrevja saman med andre kommunale avgifter*» endrast til; «*Gebyret innkrevjast årleg saman med andre kommunale avgifter*»

Andre setning i §10 om Myndigheit viser til «utøvande myndigheit». Dersom det i denne setninga vert tenkt på utøvande myndigheit av feie- og tilsynstenesta (Bergen brannvesen), vil det feilaktig kunne oppfattast at vi har noko med fastsetting og innkrevjing av gebyr å gjere.

Avslutningsvis kan vi ikkje sjå at denne forskrifta skal godkjennast av statlege myndigheiter.

Med hilsen
Bergen brannvesen

Trond Grindheim – konstituert avdelingsleder
Lars Herneback - seksjonsleder boligbrannssikkerhet

Dokumentet er godkjent elektronisk.